



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**


Et In octo Partes ... distincta ...

De Angelis Actibvs humanis, & Legibus

Vindalium, 1646

Cap. XII. De poena dæmonum.

urn:nbn:de:hbz:466:1-38834



CAPUT XII.

De pœna dæmonum.

CONCLUSIO I.

Intellectus dæmonis non est obtenebratus per priuationem cognitionis cuiuscunque veritatis.) Hoc potest explicari per distinctionem illam quam S. Doctor. i. p. q. 64. art. adhibet. Nam si quæstio sit de cognitione veritatis, quæ habetur per naturā ea in dæmonibus nec est ablata, nec diminuta, cōsequitur enim ipsam naturam Angeli, quæ est intellectualis, & à qua propter eius simplicitatem, nihil subtrahi potest, ut sic per subtractionem naturalium puniatur; sicut homo punitur per subtractionem manus, aut pedis. Si verò agatur de cognitione quæ habetur per gratiam, adhuc distinguendum est, nam alia est speculativa, ut cum alicui secreta diuinorum reuelantur, & hæc non est in dæmonibus totaliter ablata, sed diminuta; quia de secretis diuinis tantum reuelantur eis, quantum oportet, vel per Angelos bonos,

D 3.

vel per aliqua signa, & effectus diuinæ virtutis: alia autem est affectiva producens amorem Dei; & hæc nullo modo remansit in malis Angelis, sicut neque charitas.

Nota tamen, quando S. Thomas ait, mansisse in malis Angelis saltem ex parte cognitionem, quæ habetur per gratiam, non esse sensum, quod in eis manserit cognitione aliqua quoad entitatem supernaturalis; siquidem ex communi Theologorum sententia, et si in dæmonibus naturalia integra remanserint, in iis tamen nullum post peccatum remansit donum ordinis supernaturalis, siue actualis, siue habituale: quia cum eiusmodi dona vel proxime vel remotè ordinentur ab beatitudinem, congruum non est ut in iis remaneant, qui ab omni spe consequiendæ salutis sunt deiecti. Neque refert illud Iacobi 2. Dæmones credunt, & contremiscunt, non enim id debet intelligi de fide infusa, & supernaturali qua quis ex pio affectu voluntatis credit reuelatis, eò quod à Deo reuelata sunt, sed de alia fide inferiori, & quoad substantiam naturali, qua dæmones credunt aliquid conuicti signorum euidentiâ. Itaque S. Doctor. suprà per cognitionem illam quam dicit haberri ex gratia, non

DE ANGELIS. CAP. XII. 79

debet intelligi cognitio supernaturalis,
sed cognitio naturalis rei supernaturalis;
tali siquidem cognitione Angeli mali
prædicti sunt, tum quia recordatio quædā
rerum supernaturalium, quarum in via
reuelationem habuerant, in iis remansisse
tum quia successu temporis varia co-
gnoscunt, conuicti signorum evidentia,
ut dictum est.

CONCLVSIO II. Voluntas dæ-
monum est obstinata in malo.) Hoc pro-
bat S. Doctor art. 2. tum ex illo Psal. 71.
Superbia eorum qui te oderunt, ascen-
dit semper; tum quia vis appetitiua in
omnibus proportionatur apprehensiua à
qua mouetur, sicut mobile à motore, dif-
fert autem apprehensio Angeli, ab ap-
prehensione hominis, in hoc quod An-
gelus apprehendit immobiliter per in-
tellectum, homo vero per rationem ap-
prehendit mobiliter, discurrendo ex uno
ad aliud: vnde voluntas hominis adhæ-
ret alicui mobiliter, quasi potens etiam
ab eo discedere, & contrario adhærere:
voluntas autem Angeli adhæret fixè, &
immobiliter postquam adhæsit, etsi ante
adhæsionem possit liberè adhærere huic,
vel opposito.

Vbi nota i. S. Doctorem videri reuo-
care obstinationem dæmonum, in natura-

D 4

30 TRACTATVS

lem conditionem eorum, quod paulo du-
rum videtur, quia cum omnes Angeli
in primo creationis instanti bene opera-
ti fuerint, etiam ex mente S. Thomæ &
statim aliis in bono perseverantibus, alij
peccauerint, sanè sicut isti ob innatam
agendi libertatem, à bono ad malum de-
flexerunt, ita potuerunt per se loquendo,
malum quod patrauerant retractare, &
bonum aliquem actum elicere; cum per
peccatum non amiserint libertatem ar-
bitrii, aut aliquam diminutionem in ea
passi fuerint. Quare dicendum videtur,
causam obstinationis in Angelis damna-
tis, proximè ex eo repetendam esse, quod
Deus decreuerit illis non conferre auxi-
lia gratiæ, quibus possent ad pœnitentiā
salutarem excitari, & iuuari.

Nota 2. probabile esse dæmones, ante-
quam essent damnati, adeoque statim
post peccarum commissum, fuisse in malo
obstinatos, ut non obscurè ex plerisque
Patribus eruitur. Cur autem Deus de-
creuerit illis non conferre gratiam ad
resurgendum necessariam, causa esse po-
ruit, tuin quia tanto maior erat Angelis
culpa, quanto maior dignitas, intelligen-
tia, libertas, & gratia illi collata fuerat;
tuin quia sine vlla sensibili passione, a-
deoque ex mera malitia peccauit. Cons-

DE ANGELIS. CAP. XII. 8^t
tra verò homines erant longè Angelis
inferiores, tam quoad naturam & vim
intelligendi, quam quoad gratiæ dona;
præterea ex passione sensibili ad malum
trahebantur, adeoque non ex malitia, sed
ex infirmitate peccauerunt. Accedit quod
per peccatum Angelorum tota natura
Angelica non periret. At verò per pecca-
tum Adæ tota natura humana periret,
quare voluit Deus ex sua misericordia,
hominem vocare ad pœnitentiam, & ex
iusto iudicio Angelum sine remedio re-
linquere.

CONCL V S I O III. Dolor uno-
sensu est in dæmonibus, non alio] Pro-
batur, nam ut ait S. Tho. quæst. cit. art. 3.
Dolor ut passio non est in dæmonibus,
cùm careant appetitu sensitivo; Est autem
in illis, ut dicit simplicem actum volun-
tatis, qua ratione est renisus voluntatis
ad id quod est, vel nō est, quatenus mul-
ta suat quæ vellit non esse, & multa nō
sunt, quæ vellit esse.

Nota 1. cùm S. Thomas in responsio-
ne ad primum concedit, in dæmonibus
esse gaudiū, hoc non debere intelligi de
vero aliquo gaudio, sed tantū de gaudio
ficto & apparente; cum enim dæmones
acerbissimè crucientur, & doleant, hinc
sit ut nullo vero afficiantur gaudio, et si

D 5

82 TRACTATVS

res interdum ex voto ipsis succedere videantur, ut verbi causa, cum homines in peccatum pertrahunt; hoc enim non est tanti momenti, ut ab ipsis apprehendi possit tanquam bonum aliquod, de quo merito latari debeant.

Nota 2. ex art. 4. in response ad primum, & ad tertium colligi, dæmones non aliter torqueri ab igne infernali, quam per alligationem. Hoc autem non videtur sufficienter explicare vehementissimos illos dolores & cruciatus, quibus ex Scriptura, & Patribus constat dæmones torqueri.


Ad hoc responderi potest Scripturam, & Patres exaggerare cruciatum & dolorem dæmonum, quod talis dolorcausatur per actionem aliquam realem, & physicam ignis, sed quia dæmones per virtutem diuinam potentissime adiunguntur, ut ignem apprehendant tanquam horrendum carcerem, in quo per totam æternitatem omni exeundi libertate destituti, in pœnam suorum scelerum commoratur. Ea enim cogitatio quam nullo modo excutere possunt, non minus eos cruciat, quam si verè & physicè ab ipso igne comburerentur; præsertim spectata ea nobilissima facultate agendi, & seipso mouendi, qua naturaliter prædicti sunt.

Neque refert quòd Patres dicunt, dæmones vri igne infernali; hoc enim in nulla sententia potest intelligi de propria vſtione, cùm spiritus illius capax nō sit, sed tantum de quadam vſtione meta- phorica, seu de quodam dolore acutissi- mo qui animum peruadit, & veluti in- cendit.

Neque etiam obstat, quòd eiusmodi dolor æquè possit causari ab aqua, vel ab aëre, hoc enim concedendum est etiam in sententia, quæ docet, ignem eleuari ad agendum physicè in spiritus, per qualita- tem aliquam in eo productam; cùm quælibet alia res similis eleuationis sit ca- pax, in ordine ad omnipotentiam Dei. Itaque quòd Deus de facto voluerit dæ- mones ab igne torqueri, potius quam ab aqua, vel aëre hoc sufficit ut verificari possit quòd de eorum pœnis dici solet. Et sanè cùm ignis paratus sit ad com- burēda hominum damnatorum corpora, æquum erat ut Deus eodem instrumen- to vteretur, ad torquendos ipsos dæmo- nes, modo possibili.

Si quis tamen in sententia S. Thomæ sic explicata, nondum planè quiescere possit, dicat cum Augustino 21. de Ciuit. cap. 10. Spiritus torqueri ab igne, veris quidein, sed miris modis, id est, nobis

84 TRACTATUS
innotis, quosque suscipere licet, non curiosius indagare.



CAPUT XIII.

Quomodo ordinentur Angeli, & quid possint.

CONCLUSIO I.

In Angelos sunt tres Hierarchiae, in qualibet Hierarchia sunt tres ordines, & in quolibet ordine plures Angeli.) Primam partem probat. S. Thomas i. p. .q 108. art. 1. tum ex Dionysio cap. 6. Cœlestis Hierarchiae, tum quia Hierarchia idem est ac sacer principatus, sub quo nomine intelligitur tam ipse princeps, quam multitudo sacra ordinata sub principe: licet autem sit una Angelorum, & hominum Hierarchia, si hæc spectetur per respectum ad principem cui est subiecta, si tamen attendatur ad ipsam multitudinem ei subditam, distinguenda est Hierarchia humana, ab Angelica, & in Angelis tres Hierarchiae constituendæ sunt: quia scilicet aliter homines gubernantur quam Angeli, & in Angelorum